

Bosna i Hercegovina  
Federacija Bosne i Hercegovine  
Zeničkodobojski kanton  
Grad Zavidovići  
Općinski vijećnik Skejić Samir  
Datum: 12.09.2022. godine

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

Primljeno:	17-10-2022		
Org. jed.	Kl. ozna.	Red. broj	Br. priloga
01	04	2589	22

Gradsko vijeće Zavidovići  
Gradonačelnik grada Zavidovići  
N/ R predsjedavajuća gradskog vijeća  
Mr.lur. Erna Merdić Smallhodžić

Predmet : Inicijativa za uređenje stadiona NK Krivaja Zavidovići

Poštovane kolege vijećnici ,pozvao bih Vas ovom prilikom da zajednički razmotrimo mogućnost uređenja stadiona NK Krivaja. Kao što znate a iz priloženog stanja na terenu se vidi da izgled gradskog stadiona može imat i reprezentativniju sliku ukoliko se revnije poradi na pojedinim aspektima. Stadion NK Krivaja je ogledalo stanja u našem gradu i vrlo je značajno kakvu sliku o našem gradu šaljemo posredstvom naših gostiju koji prate klupska natjecanja. Na ovakav korak se rješavamo prije svega, zbog činjenice da njegovo uređenje ne iziskuje znatnija finansijska sredstva jer u nedostatku sredstava ostavljena nam je mogućnost da se uređenje stadiona povjeri zainteresiranim gradskim volonterima .

U najkraćim crtama, na stadionu bi malo brižnije trebalo urediti zelene površine, asfaltnu zonu , po mogućnosti obojiti zone na kojima je oštećena boja.U toku radova trebalo bi insistirati da se jasno oiviče zelene površine od asfaltnog područja i da se mjesta na kojima je oštećena betonska površina adekvatno koriguju novim slojem betona.Na zelenim površinama koje se intenzivnije zatravljaju trebalo bi obezbijediti učestalije košenje trave i korova.

U interesu bolje saradnje bilo bi neophodno da se u program uređenja uključi Uprava kluba.

Realizacija inicijative ne iziskuje znatnija novčana sredstva osobito ako se njenom realizacijom obavežu volonteri .

Samostalni gradski vijećnik , Skejić Samir

*Skejić Samir*



Broj: 02-04-2593/22-AP-6  
Datum: 13.10.2022. godine

STRUČNA SLUŽBA  
GRADSKOG VIJEĆA ZAVIDOVIĆI  
- O v d j e -

PREDMET: Stav po inicijativi vijećnika Samira Skejić za uređenje stadiona NK „Krivaja“ Zavidovići, dostavlja se

U prilogu akta dostavljam vam stav po inicijativi vijećnika Samira Skejić podnesenu za uređenje stadiona NK „Krivaja“ Zavidovići.

Stav po podnesenoj inicijativi dostavljam u skladu sa članom 109. stav 5. Poslovnika o radu Gradskog vijeća Zavidovići („Službeni glasnik Općine Zavidovići“, broj: 7/2014 – prečišćen tekst, 8/2014, 9/2014, 8/2018, 8/2019 i 4/2021).

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović





Broj: 02-04-2593/22-AP-5  
Datum: 13.10.2022. godine

GRAD ZAVIDOVIĆI  
GRADSKO VIJEĆE ZAVIDOVIĆI  
- O v d j e -

Na osnovu člana 109. stav 5. Poslovnika o radu Gradskog vijeća Zavidovići („Službeni glasnik Općine Zavidovići“, broj: 7/2014 – prečišćen tekst, 8/2014, 9/2014, 8/2018, 8/2019 i 4/2021), povodom podnesene inicijative vijećnika Samira Skejić za uređenje stadiona NK „Krivaja“ Zavidovići dostavljam:

PREDMET: Stav po inicijativi vijećnika Samira Skejić za uređenje stadiona NK „Krivaja“ Zavidovići, dostavlja se

Inicijativu vijećnika Samira Skejić za uređenje stadiona NK „Krivaja“ Zavidovići ne treba prihvatiti. Naime, objekat Nogometnog stadiona Krivaja koristi Nogometni klub „Krivaja“ Zavidovići za treniranje i održavanje utakmica i koji ima obavezu tekućeg održavanja istog. U tekuće održavanje Nogometnog stadiona „Krivaja“ svakako spada košenje trave i uklanjanje rastinja, te da stadion moraju držati u urednom stanju što obuhvata sve ono što se u inicijativi pominje. Zbog toga provođenje ove inicijative ne bi bilo moguće obzirom na pozicije Nogometnog kluba „Krivaja“ spram Nogometnog stadiona Krivaja. Bez obzira na navedeno smatramo da Nogometni stadion Krivaja mora biti uređen jer predstavlja reprezentativni objekat Grada Zavidovići i da tome treba posvetiti naročitu pažnju i da će se na tome raditi u narednom periodu.

Također Odluka o komunalnom redu („Službeni glasnik Općine Zavidovići“, broj: 3/2015) propisuje uredno držanje površine u urbanom dijelu Grada Zavidovići i obavezu njihovih korisnika da ih održavaju pod koje se može podvesti i Nogometni stadion Krivaja, te će se pitanje uređenja stadiona posmatrati i kroz primjenu navedene Odluke.

Zbog svega navedenog inicijativu ne treba prihvatiti.

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović